



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentaria Vetustissima & profundissima Super Canticvm Canticorum Salomonis Qvod Hebraice Dicitvr Sirhasirim

Wolbero <de Sancto Pantaleone>

Coloniae Agrippinae, 1630

Epistola Nuncupatoria Reverendissimo in Christo Patri Domino Venerabili
Henrico Spichernagell D. Pantaleonis Abbati, ...

urn:nbn:de:hbz:466:1-10027

Epistola Nuncupatoria

REVERENDISSIMO IN CHRISTO

Patri Domino Venerabili

HENRICO SPICHERNA-

GELL D. PANTALEONIS ABBATI, ET

S. VNIONIS BVRSELDINÆ PRÆSIDENTI PRINCI-

pali meritissimo; nec non Reuerendis Admodum & Amplissimis DD.

Henrico Liblero, Iohanni Munch, Paulo Vrechen, Henrico Goer-

manno, & Gabelo Scaffenio, Monasteriorum Ordinis sancti Benedicti

obseruantia eiusdem in sancto Martino, Brauvviler, Tuitio,

Gladbach, & Graffscafft Abbatibus dignissi-

mis, Dominis & Prælatibus suis

obseruandis.



*Irabuntur non abs re, R^{da} admodum
& Amp. ^{fina} DD. V. ^{tra} cur Commentator hic
super Cantica Canticorum Salomonis tã
diu sub modio latuerit, ac nunc primum
lucem aspiciat: Ad quod verisimiliter ego
cum Iudæo illo Mardochoæ dilectam suam compellante ^{Esth. 4.}
Esther, & quis nouit utrum idcirco ad regnum veneri-
tis, ut V Volbero iste tali in tempore pararetur? quare
nec pro anima mea sola sufficere arbitratus fui, si Au-
ctor talis in domo D. Pantaleonis scriptus tantum deli-
tesceret, nisi plurimorum utilitati & spirituali gustui
profuturus, sub incudem datus, noua quadam occasio-
ne oportunus prodiret in lucem.*

Et quam dicetis occasio isthac est? Annus iam

*

2

tercius

EPISTOLA

tertius est, quod tempore Annalis Capituli in Monasterio S^{ti} Pantaleonis celebrati Kal. Septembris B. Aegidio Abbati sacris, vestri quoq^{ue} sacri vertices, Pontificali Infula nouiter decorati fuerint. Nullis profecto verbis aut scriptis comprehendere valeo, quantum hinc gaudiorum accreuerit charissimis vestris Confratribus quanta etiam letitia tam meo quam publico pariter nomine ex hoc perfusus sim, Vobisq^{ue} ex animo gratulari desiderauerim, posteaquam intellexeram à Sanct.^{mo} Domino nostro Urbano VIII. auctoritatem hanc Episcopalem RR^{dis} Admodum Dominationibus Vestris superadditam, & à R.^{mo} Domino Episcopo Cyrenensi solemnique Pontificales mytras, capitibus vestris impositas fuisse. Ecce enim tam sanctam, tamq^{ue} honorificam & nouam Dominationibus Vestris non gratularer gloriam? gloriam inquã, qua, præter omnem quod mihi persuasum ambitionem, solo clarissimarum virtutum merito, (utpote qui inter sacre Vnionis nostræ Bursfeldensis columnas præcipuas annumeramini, eamque indeclinabiliter suffulciendo constabilitis) donati & affecti estis?

Quid agerem? honorem hunc nouum Reu.^{mo} Domino Prelato meo ut descenderem acclamaturus, filialis postulabat amor; cydares RR.^{darum} Dominationum Vestrarum veneraturus pariter ut occurrerem, gratitudo

exige-

NVNCVPATORIA.

exigebat, aliorum exempla prouocabant. Sed nolui in Exod. 24
 summorum conspectu sacerdotum apparere vacuus, nec
 etiam munus quod offerrem præ manibus erat. Cum su-
 bito, Deo ita inspirante, memor fui Commentatoris
 huius V Volberonis Coabbatis vestri, & delectatus
 sum; & quia Religiosorū plurimi lectione suauissima-
 rum interpretationum illius antehac illecti, summope-
 re mecum dolebant, inter cæteram Bibliotheca nostræ
 supellectilem tam pia & profunda latere Commenta-
 ria, neq; thesaurum talem pluribus communicari; ad
 testandam mei erga RR. ^{das} Admodum DD. Vestras
 promptitudinem, beneq; merendi studium, quod dudum
 in votis habueram, fiducialiter aggressus fui, & Com-
 mentaria V Volberonis nostri non modo reuidi, verum
 etiam reuisa meliorem in ordinem disposui, atq; ita dis-
 posita & renouata eadem Nominibus RR. ^{darum} Admo-
 dum DD. Vestrarum inscribenda, typo ut subijceren-
 tur, omnem cæpi mouere lapidem. Cæterum cum Salo-
 mone ipso attestante, plures faciendi libros nullus sit fi- Ecc. 12.
 nis, adeoque sæculi huius ingenijs noua magis arridere
 soleant quàm vetera, erat fortasse quod verebar, ne vel
 Cōmentatoris huius antiquitas, vel verius personæ meæ
 exiguitas, à qua renouatus non nihil liber hic exiret, ob-
 staculo forent, quo minus feliciter in manus multorum
 transfiret. Porro RR. ^{darum} Admodum Dominationum

EPISTOLA

Vestrarum animatus auctoritate, à metu simili, imò
 Zoilorum omnium, qui bonis conatibus deesse non so-
 lent, obtrectatu, facile liberandum me duxi; cum quod
 in apothecam & horreum Dominicum non semper cen-
 tesimus aut sexagesimus, quin sæpius tricesimus fructus
 inferatur: tum quod per cornua vestra Aaronica pro-
 tegendus, eodem anni recurso tempore à prælo redeat,
 quo in Pontificales mytras Abbatialia vestra mutata
 fuerunt almucia.

Quamobrem Reuerendissime Domine Præses Præ-
 late mi obseruandissime, suscipe minimi Clientis tui
 hanc qualemcunq; curis meis Pastoralibus superaddi-
 tam, & huc usq; varijs militum incursionibus obstanti-
 bus protracta operam; & quia iuxta Elogium Sapien-
 tis, *Prou. 29.* vir qui diligit Sapientiam latificat Patrem suum,
 latifica per conatum hunc meum in sapientia & can-
 tico spirituali libri huius spiritum tuum, & refocilla in-
 firmos & seniles artus tuos, multis pro Monasterio &
 Vnione nostra Bursfeldica ex antlatis laboribus debili-
 tatos, sed nondum fractos. Suscipite & Vos Antistites
 Venerabiles, obseruantia mea erga vos tesseram exi-
 guam V Volberonem CoAbbatem vestrum, RR.^{dis}
 admodum Dominationibus Vestris humiliter à me
 nuncupatum; sitq; noui honoris vestri particeps, qui Re-
 ligionis auita eaque monastica relator extitit egregius.

Quo

EPISTOLA

*Quæ eadem Prasulibus Vobis vt ni incepto spiritualis
disciplina incremento succrescat & propagetur, Deum
Opt. Max. sanctissimumque Legislatorem nostrum
Benedictum, eiusdemque patrones Ordinis iugiter exo-
rabo: Qui etiam pietissima sua benignitate RR.^{das} ad-
modum & Amp.^{simas} Dominationes Vestras cum
omnibus sibi commissis perquam diutissimè felicissime-
que superstites atque incolumes seruare dignetur. Ita fo-
uet & apprecatur ex Pastoratu Laugelensi ipsa B. Æ-
gidij Abbatis Anno 1629.*

RR.^{darum} ad.^m & Amplissimarum do-
minationum Vestrarum

Humilis Seruus & Frater

HENRICVS ERSMERS Grauiensis Panta-
leonita Ordinis S. Benedicti.

DE